

DE VULNERIBUS
CUM AMISSA SUBSTANTIA.
T H E S E S
ANATOMICO-CHIRURGICÆ,

Quas DEO FAVENTE, & Præsidi M. FRANCISCO-
MICHAELE DISDIER, Artium & Chirurgiæ
Magistro, Scholarum antiquo præposito Regiæ Chirurgo-
rum Academiæ Consiliario, *tueri conabitur*, FRANCISCUS
LESCURE, *Bergeracensis*, Artium Liberalium Mag.
Theseos Auctor.



P A R I S I I S,
IN REGIIS CHIRURGORUM SCHOLIS,


Die Sabbati, 22^a. Octobris, à sesqui-secundâ post meridiem ad septimam.
A. R. S. H. 1768.

PRO ACTU PUBLICO
ET
MAGISTERII LAUREÆ.

Typis P. AL. LE PRIEUR, Regii Chirurg. Collegii
Typographi.

M. DCC. LXVIII.

Dcl.



DE VULNERIBUS

CUM AMISSA SUBSTANTIA

THESES

ANATOMICO-CHIRURGICAE

Quam Praefatus & Praesens M. FRANCISCO
MICHAEL E. REIDLER, A. M. & Chirurgus
Hoc Volumen in Honorem

Licetque sine peregrinis, & conquisitis & compositis medicamentis vulnus
curare. *Corn. Celsus Lib. V. Chap. XXVI.*

PARISIIS,
IN REGIIS CHIRURGICORUM SCHOLIS,
Ex Officina, & Typographia, per Joannem de la Motte,
A. R. M. P. M.

PRO ACTU PUBLICO


ET

MAGISTERII LAUREAE

Typis P. A. de Tournay, Regii Chirurgi Collegii
Typographi.

M. DCC. LXXVII.

104



D. O. M.

THESES

ANATOMICO-CHIRURGICÆ.

DE

VULNERIBUS CUM AMISSA SUBSTANTIA.

QUÆCUMQUE sit hominis conditio, undique tremendâ oblidetur malorum serie; quodcumque sit innatum ejus naturæ robur, iis citissimè ineluctabili fato occumberet, ni salutaris adesset Chirurgia. Has inter innumeras quibus afficitur ærumnas, nullis crebriùs vulnere cruciatur. Vagetur in sylvis, nunc ex rupis arborisve culmine lapsus, nunc in malè terris disseminata saxa impingens vehementiùs, violenta sibi inferet vulnera, fractosque Chirurgus reportabit artus, & opitulantem Chirurgiam efficacibus invocabit precibus. Optatas in urbe quærat labore opes, nova incumbit ambitioso capiti malorum cohors. Prælia, obsidiones, ut militaris gloriæ, sic Chirurgicæ laudis theatrum. Diris transfixo relis, una adest quæ lethales compescat hæmorrhagias, inimica tela extrahat, vulnera sanet, fracta membra reponat Chirurgia.

A ij

Hi sunt inexhausti vulnerum fontes; hic exarandus Chirurgiæ campus. Prætermiſſis nihilominus tot nozarum generibus, ſola vulnera cum jacturâ ſubſtantiæ in ſtatû ſimpliciſſimo ſpectata, pertractanda amplectimur. Nunquàm, non prægreſſo puris effluxû, hujus fortis vulnerum conſolidationem aſſequitur natura. Suppurationis igitur phænomena examini ſubjicienda, deſcripto priùs in quo potiſſimùm ſedet organo, textû cellulari.

I.

Ex omnibus corporis partibus nulla latiùs panditur, plurimis œconomiæ animalis muneribus, textû cellulari aptior nulla. Omnium organorum baſis & fundamentum (*a*), alia aliis alligando, eorum conſenſus, variaque officia fovet & tuerur. Meritò ad corporis humani elementa refertur tela cellulosa (*b*). Phyſiologiâ verò edocemur, organorum omnium texturam, ex duobus fibrarum elementariarum generibus conſtari, rotundis aliis, in longum quidem, in latum verò nullatenus ferè extenſis, & planis aliis, quæ ſat conſpicuam latitudinem habent, & ideò lamellæ nuncupantur (*c*).

Ex his duobus fibrarum ordinibus, modò ſeparatis, modò junctis invicem, ſtruitur tela cellulosa (*d*), ideò dicta, quod cellulis innumeris ad ſe mutuò patentibus conſtetur. Latiffima ejus per omnes corporis partes ad intima uſque penetralia diffuſio, & inextricabilis qui in eâ haud infrequenter nidulantur morborum ſeries, quanti ſit momenti accurata & attenta illius meditatio, facilè probant. Nullæ quidem ſunt corporis partes, per quas hæc non vagerur membrana, nullæ, quæ eâ non involvantur, & ab eâ ſolâ oriuntur plurimæ.

I I.

CUTEM inter & mufculos ſubjacentes, laxus, amplius reperitur textus cellularis. Hic ipſius lamellæ longiùs inter ſe

(*a*) Halleri Elem. Phyſiol. Tom. I. Lib. I. Sect. 3. pag. 19.

(*b*) Ibidem de telâ cellulosa.

(*c*) Circà fibrarum elementa, videantur Hermanni Boerhaavii Elem. Chem. Tom. II, ubi de operationibus Chemicis in animalia quæſtio eſt, & aphoriſmorum exord.

Baglivii opera omnia, de anatome fibrarum. pag. 399. Halleri Elem. Phyſiol. Tom. I. Lib. I. Sect. I. de fibrâ.

Kaau Boerhaave de partibus minimis conſtituentibus. pag. 379.

(*d*) Haller de telâ cellulosa. Tom. I.

5

distantes, areclas vel cellulas intercipiunt invicem communicantes, quod perspicuè constat emphisemate, leucophlegmariâ, & experimentis variis in animalibus. Major minorve est harum cellularum area, nunc crescit, nunc decrescit loculorum illorum aggestus per varias corporis partes diffusus, ibique, per arteriarum capillarium extremitates, secernitur oleum tenue blandum, in diversis locis spissitudine diversum, quod in sanguine hæere docuit Ruyschius (a). Huic autem succo secernendo, peculiaria excogitaverat Malpighius vascula secretoria (b), quæ postea ipsemet refutando, mera figmenta esse comprobavit (c). Hæc textûs cellulosi pars amplissima, membrana adiposa nuncupatur ob succum adiposum suis coacervatum cellulis. Illam, panniculum adiposum prisci dixerunt anatomici, huncque, carnosum alio quem homini falsò tribuebant, subjici contenderunt.

I I I.

MEMBRANA adiposâ totum involvitur corpus, variaque in diversis partibus reperitur. Crassissimâ pinguedine dives, ubi motus & attritus maximi. Hinc, ad nates, in femore, crure, brachio, &c. copiosa invenitur. Ad anum, &c. amplissima. Ad quasdam partes rarâ vel nullâ pinguedine scætet, ut in fronte, palpebris, pene, scroto, &c. hanc fibris musculosis hinc inde distributis præditam voluit Morgagnius (d), ut succo oleoso promovendo aptior efficeretur. Non enim secretus humor in cellulis stagnat, verum venulæ minimæ iis inhiantes areolis eum resorbent. Id certè docet consumptio in morbis quibusdam acutis, & motû nimio intra breve tempus. Idem demonstrat inedia, quâ absque ullo alimento, per aliquod tempus proprio pingui homines sustentantur. Mirabiliores innotescunt observationes quibus probatur, quædam animalium genera, per longissimum temporis intervallum, nullo assumpto pabulo nutriri (e). Observavit sagass. Kaau cellulas adipem continentes, ubiquè locari inter tenues membranas, sed ipsis multò fortiores, undè eas, ad propellendum ex cellulis in cellulas, & ex iis in venas oleum tenuissimum, aliquid

(a) Thef. I. Af. I. n^o. 3. & advers. anat. 2. pag. 28.

(b) De omento & adiposis ductibus, pag. 35. 36. &c.

(c) Oper. posth. pag. 25.

(d) Advers. anat. II. pag. 17.

(e) Mus alpinus Plinii, Herinaceus, Glis & alii.

conferre autumavit (a). Illud verò validiùs efficiunt actio vasorum per relam cellulofam irrepentium, muscutorum finitimorum contractio, &c. (b).

I V.

NIMO oleofi succi in cellulofæ relæ areolas, per univerfum corpus affluxû, & eo parcè venis bibulis hausto, infertur obesitas. Hinc varia procreantur mala. Debilitatur cordis & vasorum contractio nimis laxatis fibris, torpent vires, sensus hebetes fiunt, imminuuntur secretiones, undè novus malorum nexus principii incremento, &c. (c).

Si in quâdam tantùm corporis parte augeatur pinguedo, eam insolitum in modum attollit, horrendoque sæpè spectaculo turgentem efficit. Consumpto verò adipe, vel exiguè à sanguine secreto, fit macies seu atrophia. Brevi sic, quidquid incrementi ceperat corpus evanescit, & quâ tumebat mole, extenuatur. Quæ quadrata olim ac torosa erant membra, ossa videntur cute solâ induta, vixque in iis muscutorum superest vestigium, &c.

V.

Ex membranâ adiposâ prodeunt textûs cellularis propagines, quæ muscutorum interstitia pervadendo, iis laxè alligandis inserviunt; ita tamen, ut liberam eorum actionem non morentur, in varios ex quibus componuntur fasciculos irrepunt, eos involvunt & copulantur; tandemque earum robore & crassitudine semper imminutis, ad fibras primitivas pertingunt, & implent perfectè quæ vacua forent inter partes spatia. Iis staminibus peculiares vaginas suppeditant, eaque inter se, nervos, & quibus irrorantur vascula, cujusdam mucici formam tunc referentes, nectunt.

(a) De persp. Hipp. Hanc membranam fortiorem notavit Douglassius. De peritoneo.

(b) Ex hydraulicis phænominis depromuntur insuper quædam rationes, quibus fluidum adiposum in venas bibulas impellitur, eodem modo ac chilus in lacteas, aquæ hydropicæ post vehementes evacuationes, in sanguinem, &c.

(c) Varias noxas ex nimîâ pinguedine oriundas annumerat Doct. Haller. in Elem. Physiol. Tom. I. pag. 50. 51.

V I.

DIVERSAS corporis humani caveas subit deinde textus cellularis. Visceribus omnibus communi vinculo alligatis, communia & peculiaria suppeditat involucra, intimam eorum substantiam pervadit, & vasa omnia quæ struendis ipsis inserviunt, jungit. Quædam ex eo ferè prorsus conflata, oculatissimis anatomicis visa sunt (a).

V I I.

AD textum cellularem demùm originem suam referunt omnes membranæ. Aliæ, cavitates corporis intus vestiunt, easque variis sepimentis vallant. Tales sunt in calvariâ meninges, &c. in pectore pleura, mediastinum, &c. in abdomine peritoneum, omnesque ex eo oriundæ partes. Aliis, organa quædam, ut ventriculus, intestina, uretheres, vesica urinaria, &c. partim extruuntur. Merè celluloseum esse periosteum experimentis demonstratur. Ossa ipsa in recens natis, longis staminibus undique textû celluloso obvestitis, efformari videntur. Indè prodeunt areolæ illæ, quæ in extremis ossibus longis adultorum, adeò perspicuè cernuntur. Penetrat cum vasis ad osium cava textus cellularis, ibique tenuissimam ordinatur membranam, in quâ fluidum peculiare oleosum, medulla dictum, secernitur (b).

V I I I.

CUTIS ipsa, ut maceratione faciliè comprobatur, ex relâ cellulosa originem ducit. Tunicæ adiposæ lamellis extus strictius congestis & arctius intricatis, in angustis maculis spatiolisve, vascula omnis generis recipientibus, efficitur illud commune corporis involucrum. Cutem fibris tendineis præditam dixerunt accuratissimi anatomici (c). Sed undenam orirentur?

(a) Experimentis anatomicis pulmonem ferè prorsus celluloseum esse comprobatur. Act. Acad. Reg. Scient. an. 1718.

In liene, eadem patet structura, &c.

(b) Hanc medullæ membranam, & vesiculas tenues quæ ex eâ oriuntur, luculenter descripserunt Duverney in Act. Acad. Reg. Scient. 1700. pag. 202. Ruischius Thes. anat. X. n°. CLXXXII. Kaau de persp. Hipp.

(c) Stenonius, Winslow de cut. pag. 485.

Ubinam sunt muscoli quibus ea suppeditantur ? Tendineæ quippè fibræ à musculosis tantum discrepant, quod foli-
diores, duriores, magis compactæ, arctius inter se cohæ-
reant.

I X.

CUTIS in summâ superficie, reticulo Malpighiano & epi-
dermate seu cuticulâ contegitur. Adeo strictus est harum mem-
branarum nexus, cuticulæ scilicet & reticuli Malpighiani, ut
clarissimis anatomicis Albino videlicet, Duverneio & aliis
placeat eas pro unâ eâdemque numerare. Variam se præbet in
diversis corporis partibus, cute multò ampliorem, multis sulcis
& alveolis excavatam, qui ab assurgentibus cutis papillis exa-
rantur, easque teneriores, quam ut objecta, nudæ absque mo-
lestiâ attingant, obvestiunt. Hinc externè sicca est & durior,
quo verò papillis propior, eo mollior evadit, ne teneram læ-
deret nervulorum pulpam. Illa cuticula vocatur, hæc reticu-
lum Malpighianum, ab eoque, coloris hominum diversitas, po-
tissimum pendet. In eâ membranâ nulla perspicuè observantur
vasa, sicut celeberrimi Ruischii experimentis innotescit (a),
cùm tamen nutriatur, vasculis tenuissimis non omnino desti-
tuit, admodum verisimile est. De hujus organi structurâ non
consentiunt authores. Illud ex humoribus, qui de corpore
exhalantes frigore condensantur, nasci crediderunt veteres,
vel ut contendit Riolanus, ex eo muco qui cuticulam inter &
cutim invenitur. Ex Clariss. Morgagnii sententiâ, nihil aliud
est, quam ipsius cutis extrema superficies, à compressione &
attritu indurata (b), sed iis omnibus sententiis obstat præsen-
tia ejus in fœtû. Hanc membranam, ex nervorum cutaneorum,
vel canaliculorum qui in cutis superficie terminantur extremi-
tatibus, efformari contendunt Lewenhoeckius, Ruischius &
Boerhaavius (c), nec iisdem coercetur quibus cutis limiti-
bus, sed per varias illius aperturas epithelii nomine reflec-
titur.

(a) Avers. anat. 3. Decad. VIII.

(b) In advers. anat. alteris. pag. 13.

(c) Ex vasis inhalantibus & exhalantibus Lewenhoeck Epistol. Physiol.
XLIII. Boerhaavius in prælect. Tom. III. pag. 557.

Ex nervis cutaneis Ruischius Thes. 2. 3. 6. 9.

CUTIS & epiderma innumeris pervia sunt foraminulis, inhalationi & exhalationi dicatis, quarum imminutio, suppressio, auctusve nimius, innumera mala œconomix animali inferre valent. Corpus omni momento inspirare & expirare cognoverant Hippocrates (a) & Galenus (b), at illud argumentum, luculentis experimentis, & indefessâ multorum annorum observatione, illustraverunt Sanctôrius (c) & Kaau (d).

X I.

Ex suprâ dictis, quanta agat munia textus cellularis elicitur. Partes partibus jungit, interstitia implet, musculos & eorum fibras alligat, easque tenui inungit smegmate, undè facilius eorum contractio. Illo, necessarium visceribus conciliatur robur, ipsorumque vasa ordinantur, & molli tomento fulciuntur. Textû cellulari receptacula, canales secretorii & excretorii efformantur, hinc variis secretionibus plurimùm famulatur, succum adiposum suis coacervat cellulis, &c. &c.

Cùm igitur tam longè latèque diffundatur tela cellulosa, hanc, perenne vulnorum pedisequæ suppurationis, & aliorum phœnomenorum rheatrum esse, quis mirabitur?

X I I.

IN vulneribus substantiæ amissione notatis, medicationis scopus, consolidatio. Horum verò decursus variis dividitur stadiis, quæ summatim perpendere juvat. Pro specimine sit igitur latum vulnus, amputato femore superstes. Ad abscissorum vasorum hiatus irruens sanguis, uberrimè primùm erumpit. Mox, ob membranarum quibus vasa struuntur elaterium, eorum imminuitur diameter, tandemque toti oblitterantur ocelli: indè primò minor emittitur cruoris quantitas. Nihil postea nisi serum subrutilum exit. Brevi spontè cessat cujuscumque

(a) Epid. Lib. VI. Sect. VI.

(b) Lib. de usu puls. Cap. V.

(c) Medicina statica.

(d) De persp. Hipp.

humoris effluxus. Tùm exsiccat & arefcit vulnus, tumefacta obruitur femoris extremitas, accedentibus continuò fluidis, quibus foras erumpendi libertas eripitur, quæque plurimos, in lateralibus viis fequendis, obices inveniunt. Indè omnia distenduntur vafa, difcinduntur tenerrima per telam cellulofam irrepentia, & in eam, fluida quibus obruuntur, effundunt. Hinc in eâ gignitur phlegmonofa inflammatio. Ex his partium tumore & inflammatione, fi non admodùm urgeant, rectè augurari licet. Cùm verò penitùs abfunt illa phænomena, rùm grave malum portenditur. Undè meritò pronunciavit medicinæ parens Hippocrates (a). *Gravibus vulneribus inflitctis, fi tumores non appareant, ingens malum.* In illo vulneris statû ingruit febris, quæ fi levis, falutaris eft, per omne inflammationis tempus vulgò dominatur, & frugiferæ fuppurationis commovendæ plurimùm infervit.

X I I I.

SUB tertium quartumve diem, modò citiùs, modò tardiùs, humefcit & illinitur vulnus, materiâ albâ, fpiffâ, pingui & inodorâ. Hæc pus dicitur. Quamprimùm illud diffluit, febris, inflammatio, horumque fymptomata, aufedantur plurimùm, aut prorsùs diffillantur. Hæc profectò meminit Hippocrates dicens: *Circa puris generationes, dolores & febres magis accidunt quam (ipfo) factò* (b). Ut genuinum habeatur pus, dotibus recenfitis præditum fit, oportet. Hoc in prognosticis notavit Hippocrates, his verbis: *Pus optimum, eft album, & æquale, & leve, & minimè fetidum; quod autem maximè huic contrarium eft, peffimum eft* (c), fic Celfus: *pus quo craffius & albidius eft, eo periculi minus eft* (d). Fluidum illud peculiare, non in vafis procreatur, nec per vafa fecernitur, quale in vulneribus obfervatur; fed fluidis diverfis, in vulnus merâ diffluentibus humoribus (e), invicem mixtis, & corporis calore, ex corde & vafis pulfantibus orto, mutatis & inffiffatis, producitur. Quales fint humores illi, ex effectibus depromitur.

(a) Epidem. Lib. II. Charter. Tom. IX. pag. 181.

(b) Aphor. 47. Sect. II. Charter. Tom. X. pag. 85.

(c) Sentent. 42. Charter. Tom. VIII. pag. 617.

(d) Lib. V. Cap. 28.

(e) Quæfnay, de Suppuratione. pag. 7.

X I V.

AUGETUR quotidie puris effusio, donec à fluidis eum obruentibus expediatur textus cellularis, hinc desidunt illius areolæ, imminuitur amputati femoris extremitas, & quasi locali extabescit macie. Tunc laxa fit cutis, lamellisque telæ cellulosaë; à peripheriâ ad vulneris centrum invicem connexis & exsiccatis, cicatrix efformatur (a), eaque totum obducitur vulnus. Talia in omnibus vulneribus cavis observantur. Vasa discissa primo quidem momento, magno impetû sanguinem eructant, sed brevi imminuitur, tandemque sponte cessat cruoris effluxus, contractis vasorum orificiis. Tum rationibus allatis (nº. XII.) tument & inflammantur vulneris oræ; mox diffluit pus, inde desidunt, & ad sese mutuo admovent vulneris labia, ad fundum æquali deprimuntur gradu; tuncque mechanismo supra memorato, coalescit, siccatur & cicatrice obducitur hiatus.

X V.

Ex memoratis vulnenum phænomenis, usitatam medendi methodum eruere mos est. Hinc pro vario eorum statu, prorsus discrepantia medicaminum genera admoventur: 1º. Dùm vigent inflammatio, dolor, & nimius solidorum eretismus, emollientibus & anodynis arcentur medicaminibus.

2º. Si fluidis obruantur vulneris oræ, tunc suppurationi opitulantur remedia suppuratoria.

3º. Absterfioni efficiendæ incumbunt Chirurgi, & carnis, ut aiunt, generationi favent, abstergentibus & sarcoticis remediis, idè dictis, quod eâ mente conferantur, ut amissa regeneretur substantia.

4º. Tandem cicatricem, coalescentibus, & exsiccandi vi præditis remediis, inducere conantur (b).

Sic medicaminibus falsò tribuitur sanationis negotium, eoque provida natura defraudatur.

X V I.

SUPPURATORIA & maturantia medicamina dicuntur, quæ

(a) Illud perspicuè constar, ex rationibus allatis ab illust. D. Louis in Act. Acad. Reg. Chirurg. Tom. IV. pag. 137.

(b) Fabricii ab Aquapend. Op. Lib. II. Cap. VIII. pag. 722.

corporis partem aliquam in pus convertunt (a). Sed jam diximus, illud in vulneribus à naturâ perfici, & ex vasorum abscissorum osculis, merâ *hemorrhagiâ* in ea effluere. Supervacuus igitur suppuratoriorum usus semper, & noxius sæpissimè. Cùm enim ex variis pinguibus & oleosis substantiis hauriantur, proindeque solida maximè relaxent: his inconsultè adhibitis, luxuriantes procreantur carnes, seu potius textûs cellulosi ab stagnantibus fluidis *intumescencia*, quæ cicatricem remoratur (b). Ut ea coerceatur, catharticis uti medicaminibus necesse est, quibus certò inflammatur vulnus, longiùsque sanatio protrahitur.

Abstergentia seu mundificantia, ex stimulantium classe deprompta, fibræ motricis motus oscillatorios augment (c): hinc circulatio in vasis præclusis liberior, hinc humorum in cavum vulneris effluxus copiosior. Rarò vulnus his indiget remediis, nisi priùs noxiâ pinguium applicatione, fordes in eo generentur.

X V I I.

PLERIQUE tùm veteres (d), tùm recentiores Chirurgi, substantiam in vulneribus amissam regenerari, & in illo naturæ negotio, sarcotica remedia ei opitulari existimantes, ad mechanismum hujusce phænomeni indagandum, omnibus incubuere nervis. Varias opiniones hæc de re excogitatas, sigillatim non exponemus. Quidquid de eo argumento, illust. Boerhaavius & illius eruditiss. commentator Van-Swieten (e), quidquid de eodem DD. Garangeot (f), Quesnay (g), alique plurimi disseruerunt, confuli potest. Hypotheses varias, numerosis observationibus, quæ in diversis congestæ reperiuntur operibus (h), suffulxisse videntur viri illi celeberrimi.

(a) Boerhaavius de viribus medicament. pag. 315.

(b) Hæc notavit Fabric. L. C.

(c) Boerhaavius L. C. pag. 80.

(d) Huic opinioni indulget Hippocrates in Lib. de locis in homine. Cap. XIII. Charter. Tom. VII. & de affection. Cap. X. Charter. Tom. VII. Quandoque, eam evidenter oppugnat sententiam, ut in aphor. 19. 24. Sect. VI. & aphor. 28. Sect. VII.

(e) De vulnere in genere §. 158. n°. 9. & §. 189. 190. 191.

(f) De oper. Chirug. Tom. I. pag. 5. & seq.

(g) De suppuratione. pag. 254. & seq.

(h) Tales sunt observationes Hildani Cent. 5. Observat. 76. Bartholini Cent. 6. Hist. 69, &c. cum his observationibus congruere videntur experimenta à perspicass. Reaumur in cancri facta. Act. Acad. Scienc. an. 1712.

X V I I L.

ADVERSANTIBUS licet tot auctorum placitis, opinionem prorsus diversam ediderunt in ipso Acad. Reg. Chirurgicæ gremio viri Academici (a). Hi naturâ duce vulnerum curationes indefessâ curâ rimati, fictitiam carniû genesis validissimis diffilarunt argumentis, errorisque fontem exhausterunt. Eo nititur fundamento confutata substantiæ regenerationis opinio, quod cellularis textus rationibus allatis (§. XIV.) deprimatur, tunc vulneris dimensiones imminuuntur, hinc ad ora tendens illius basis, insurgere videtur; sed arrectos admoventi oculos, ora ad basim sensim sensimque deprimi, luce patebit clariùs. Nova hæc opinio singulis insitit abcessuum phænomenis, iisque, inconcussis erigitur fundamentis. Nulla sanè, hoc in vulnerum genere substantiæ jactura, si forsân, quædam textûs cellularis lamellulas exceperis. Tamen, numne magnum tibi, rupto vel discisso puris repagulo, ob oculos versatur vacuum? Numne insignem, ob labiarum *intumesceniam*, substantiæ ablationem pronunciares? Præconceptum in tempus emenda iudicium; labiorum *detumesceniam* & collapsum specta: mox deletum quod mirabaris vacuum, præconceptam de carniû geniâ opinionem everter radicitûs. Nulla enim tunc dici potest succrevisse substantia, siquidem nulla fuerit illius amissio. Quæcumque in vulnerum medicationibus observantur, attentâ mente perpendantur, tûm omnia consolidationis phænomena, huic novæ opinioni favere, perspicuè constabit (b).

X I X.

Cûm igitur nulla in vulneribus regeneretur substantia, sarcoticis remediis, fictitias vires hucusque assignatas fuisse, sequitur. Porro, si eorum effectus attentè perpendamus, exsiccantia medicamina videbimus (c). Rectè igitur pronunciavit Boerhaavius, *sarcotica esse remedia quæ tollunt id quod impedit*

(a) Peritissimus hujusce Collegii magister D. Fabre, & jam laudatus Clariss. vir D. Louis in Actis Acad. Reg. Chirurg. Tom. IV.

(b) Variis aliis hæc sententia fulcitur argumentis, quæ sigillatim referre verat angustior pagella. Hæc vid. in virorum Clariss. Dissertationibus.

(c) Magatus de rarâ vuln. medic. L. I. Cap. XV. de carnis regeneratione & sarcoticis.

concretionem & exsiccationem vasorum (a) ? Talia sunt, thus, iris, aloe, mirrha, pix arida, liquida, &c. oleum therebentinæ, mastiches, olibani, mirrhæ, benzoini, &c. balsamum Fioraventi, sulphuris, fulleri, &c.

Ab eâdem exsiccantium & astringentium classe, petuntur epulotica, sive cicatricem inducentia remedia, quâ quidem facultate instrui censentur, galla immatura, balauſtia, coral-
lia, lapis hæmatites, sanguis draconis, calx lora, alumen
ustum, &c. emplastra diachalcitidis, de lithargiro, vinum
astringens, &c.

X X.

LICET commentitiæ circa vulnerum consolidationem opi-
niones, ob Chirurgorum oculos starent, merum tamen &
perpetuum in iis sanandis naturæ votum, quam citissimam
puta exsiccationem, & vasculorum obturationem, ut medica-
minibus assequerentur, enixi sunt. Hæc profectò sunt naturæ
optata (b); cum verò, humorum in minimis vasis stagnatio-
nem, eorum in textum cellulosum effusionem, indeque pro-
creatam inflammationem, in vulneribus gravioribus, difficilli-
mè penitus coerceri certa comprobaverit experientia; in
primo igitur vulnerum stadio, tutus non esset astringentium
& exsiccantium medicaminum usus. Nec verò procul abest
periculum, si validiora, in quovis vulnerum periodo, adhi-
beantur; his enim sæpissimè adaugentur dolor, inflammatio &
omnes quæ ex iis profluunt noxæ. Ratione experienciâ fretâ
evincitur aliundè, solutiones continui jacturâ substantiæ sti-
patas, ad citam consolidationem tutè provehi, spretis licet
supramemoratis omnibus medicaminibus. Prospiciens natura
ad hunc scopum requisita expeditè consequitur, si enim pus
movere oportet, natura movet, si aglutinandum & cicatrice
obducendum vulnus, hæc perperrat munia (c).

(a) De viribus medicam. pag. 94. & Fabric. Sic dicuntur *sarcotica*
quia siccando & detergendo impedimenta (ex illius sententiâ, fictitiæ car-
minum regenerationi) auferunt. Lib. III. Cap. III.

(b) » In ulceribus omnia adstrictio & exsiccatio requiritur, si eadem
» consolidare sit animus. Wedelius amœnit. Mater. medic. pag. 53.
Hæc fuit doctrina Hippocratis. Lib. de ulceribus. Galeni tertio method. 4
& 2. de comp. med. per Gen. Cap. I. & XX, & pluribus aliis in locis.
Junckeri Consp. Chirurg. de vulneribus generatim, & aliorum. Hanc
physiologiæ face illustravit in suâ dissertatione D. Louis. L. pluries C.

(c) Quandoque naturæ vim observare volens, ad consolidationem

Hrs innixus veritatibus, & sagaci quo pollet ingenio ductus, cum fausto semper eventû, linamento sicco in omnibus vulnerum periodis usus est Dominus Pibrac. Omnes noxæ, à pinguium & balsamicorum applicatione profluxuræ, aut arcantur carpto linamento, aut debellantur. Pinguibus & oleosis ut jam (§. XVI.) diximus, nimis laxantur vasa, in eis igitur stagnant humores, ibique diutiùs commorando, omnique morû spoliati, jamjam depravantur, tuncque pus putridum, cruentum, &c. procreant. Balsamicis & astringentibus, irritantur solida, undè in vulneribus fovetur *phlogosis*, quâ augetur puris effluxus, & deterior efficitur. Linamentum carptum depluentia undique fluida hauriendo, nimiam solidorum atoniam arcet, sicque uberiores suppurationem cohibet, aut sedat. Singula hæc rationum momenta, luculentis comprobantur observationibus, in Academicâ Dissertatione à Domino Pibrac habitâ (a). De amputato brachio agitur in primâ ex his observationibus. Peractâ operatione, vulnus linamenti carptis de more obductum est. Sextâ die, quidquid carpti applicatum fuerat secedit. Eximius percipitur vulneris habitus, pus optimum. Plumaceolis digestivo inunctis medicamine, obvolvitur plaga. Septimâ die solvitur fasciatio; tunc circumferentia vulneris major, puris habitus deterior, inflammata & turgescens apparent carnes. Hæc, ex digestivi medicaminis applicatione, procul dubio oriebantur. Rursùm à peritissimo Chirurgus applicantur carpta sicca. Ipsâ primâ deligatione, in meliorem conditionem vergens, vulnus deprehenditur. Quartâ medicatione, sola splenia decocto emollienti madefacta admoventur, & in crastinam lucem protrahitur carpti renovatio. Omnia quàm faustissimè procedere deprehenduntur. Mox, cum vulneris conditio melior meliorque evaderet, in tertiam, imò in quartam quamque diem deligatio diducta est (b). Quinque hebdomadis nondum elapsis, nullis accidentibus, exfoliatione nullâ ingruentibus, firmâ cicatrice vulnus obte-

vulnera, uno tantùm adhibito medicamento, & quidem non parùm adverso, perducit Magatus. De rarâ medic. vuln. pag. 231.

(a) In Act. Acad. Reg. Chirurg. Tom. IV.

(b) Quanti sint momenti raræ vulnerum solutiones vid. in eximio Magati Libro Cap. XXXII.

gitur. Plurimis aliis observationibus invictè probatur hujus praxis utilitas. In amputatis digitis, extirpatis mammarum cancris, ea faustos semper habuit successus (a). Ex allatis igitur & probatis, tum ratione, tum observatione, palam fit quàm felix & frugifera hæc therapeia sit, cum, præter consolidationis scopum, nihil quidquam in vulneribus substantiæ jacturâ notatis, obvium est.

(a) In hoc postremo casu, cum felissimo eventû, hanc adhibuit mendi rationem eruditiss. vir D. Louis L. C. pag. 70. ani fistulam, peractâ à D. Pibrac operatione, celeriter & faustissimè hâc novâ praxi curatam, nuper vidimus.

FINIS.